



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CVII. Decretum Card. de Tournon Commissarii Apost. in Ind. Orient.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

CVI.

Restituitur Magno Magistro, & Congregationi quinque Fratrum Militum Hospitalis S. Joan. Hierosolym. jus super regimine trium Navium Bellicarum.

*Erecta fuit d. Congregatio, & jus concessum Const. ed. 1701. Apr. 15. P. 1. Const. ed. 1706. Mar. 22. P. 6. concessa fuit facultas faciendi celebrari Missam in Navibus. Et Inn. XIII. confirmatur Breve Pii V. super concessione Privilegiorum.*

CLEMENS PAPA XI.

*Ad futuram rei memoriam.*

**A**lias pro parte dilecti filii moderni Magni Magistri Hospitalis S. Joannis Hierosolymitani Nobis exposito, quod ipse ad Christiani nominis Hostes, & Piratas, qui in illius dedecus, & Christianissimum detrimentum longe validioribus, quam antea Navigiis maria continuo infestabant, facilius propulsandos de consilio compleri ejusdem Hospitalis consensu quatuor novas Naves bellicas unam quidem suis propriis, alias vero tres dicti Hospitalis sumptibus construere, & manutenere deliberaverat, ac pro bono ipsarum Navium regimine idem Magnus Magister, ejusque consilium prædictum particularem quinque Fratrum Militum ejusdem Hospitalis ab ipso Magno Magistro nominandorum, & a prædicto consilio approbandorum, quorum unus dignitate Magnæ Crucis insignitus esse deberet, Congregationem deputandam esse decreverat: Nos supplicationibus dicti Magni Magistri, nomine Nobis super hoc humiliter porrectis inclinati aliam Congregationem eorumdem quinque Fratrum Militum sic deputandam ex tunc, prout postquam sic deputata fuisset, ac præarratum Magni Magistri, & consilii prædictorum Decretum auctoritate Apostolica confirmavimus, & approbavimus; Congregationi autem sic deputandæ prædictas tres Naves Bellicas private quoad omnes alios, itaut ipsa Congregatio prædicto Magno Magistro tantum subiecta esset, & absque eo, quod alia quæcumque Congregatio in Conventu dicti Hospitalis existens, aut alia quælibet persona, Officialis, vel Minister ejusdem Hospitalis sub quovis titulo, aut alicujus præminentia, vel prærogativa, etiam linguarum ipsius Hospitalis prætextu, sive quacumque de causa illi ullo modo intervenirent, aut quorumcumque per eam circa ipsarum trium Navium regimen, & gubernium disponendorum, & gerendorum participes fierent regendi, & omnino gubernandi plenam, & liberam facultatem eadem auctoritate tribuimus, & impertiti fuimus, & alias prout in nostris desuper in simili forma Brevis die 15. Aprilis 1701. expeditis literis, quarum tenorem præsentibus pro plene, & sufficienter expresso, & de verbo ad verbum inserto haberi volumus plenius continetur.

§. 1. Cum autem, sicut dictus Magnus Magister denuo Nobis exponi fecit, licet dictæ tres Naves Bellicæ per memoratam Congregationem ipsi Magno Magno tantum subiectam private quoad omnes alios juxta facultatem illi a Nobis, sicut præmittitur attributam regi, & omnino gubernari deberent, ipse nihilominus ob quamdam urbanitatem consilium dicti Hospitalis super rebus majoris momenti dictas naves bellicas concernentibus, inter quas nominatio majorum Officialium habetur, semper consuluerit, ac desuper cum illius approbatione deliberaverit, progressu vero temporis experientia compertum fuerit, eam urbanitatem proponendi in consilio nominationem officialium a dicto Magno Magistro observatam, non solum bono regimini dictarum Navium non conducere, sed illud potius

perturbare non sine præjudicio auctoritatis ipsius Magni Magistri, & meritorum Fratrum Militum nominatorum. Nobis propterea dictus Magnus Magister, qui (ut asserit) non solum dicto Hospitali Navem bellicam prædictam, quam suis propriis sumptibus construxit, & manutinet, quantum ad lucrum attinet, cessit, & portiones prædictarum hætenus captarum ipsam tangentes libere donavit, verum etiam omnibus dignitatis admirati juribus ipsi occasione prædarum per armata particularium personarum navigia reportatarum competentibus in commodum ejusdem Hospitalis pariter cessit, humiliter supplicari fecit, ut sibi in præmissis opportune providere, & ut infra indulgere de benignitate Apostolica dignemur.

§. 2. Nos igitur ipsum Magnum Magistrum specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, particularem quinque Fratrum Militum Congregationem, sicut præmittitur, deputandam, seu jam forsitan deputatam, eundemque Magnum Magistrum, cui illa, sicut etiam præmittitur subiecta esse debet, adversus præmissa, ac non usum præarratæ facultatis private regendi, & omnino gubernandi prædictas tres Naves bellicas, in integrum & pristinum, ac illud, in quo antea quovis modo erat, jus utendi facultate hujusmodi auctoritate Apostolica tenore præsentium restituumus, reponimus, & plenarie reintegramus.

§. 3. Decernentes easdem præsentibus literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit, in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegates, etiam Causarum Palatii Apostolici Auditores, necnon consilium prædictum, ac quavis Tribunalia ejusdem Hospitalis judicari, & definiti debere; ac irritum, & inane, si secus super his a quocumque quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, necnon omnibus, & singulis illis, quæ in literis prædictis concessimus non obstat, cæterisque contrariis quibuscumque.

§. 5. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo ejusdem Magni Magistri munitis, eadem prorsus fides ubique locorum tam in judicio, quam extra illud habeatur quæ ipsis præsentibus haberetur, si forent exhibitæ, vel ostensæ.

Datum Romæ apud Sanctum Petrum sub Anno Piscatoris die XVII. Januarii MDCCXI. Pontificatus nostri Anno Undecimo.

Confirmatur Decretum Card. de Tournon Commissarii, & Visitatoris Gen. in Sinacum, aliisque Indiarum Oriental. Regnis super exercitio Missionum, & acceptatione Præfecturarum, cum illius extensione ad sequentia tempora.

*Const. ed. 1707. Jan. 1. P. 7. declaratum fuit nullum Edictum Archiepiscopi Goan. contra jurisdictionem Commissarii Gen. Et Const. sequenti declarantur nulla gesta ab Episcopo Macaoenen. aliisque adversus eundem Commissarium.*

Dat. 17. Jan. 1711. An. 11.

Describitur erectio d. Congregationis, & jus ei concessum.

Causa restituendi præd. jus adversus non usum, & preces M. Magistri.

Restitutio re-lati juris.

Clausula.

CVII.

Dat. 15. Mar. 1711. An. 11.

CLEMENS PAPA XI.

Ad futuram rei memoriam.

Epitome d. Decreti, quo omnibus vetitum fuit Missiones ingredi vel ab eis discedere, atque Praefecturas assumere absque licentia Commissarii Gen.

Decretum praed. an. 1708. cujus exordium peritur a necessitate servandi ordinem Hierarchicum, quem Missionarii perturbationant.

Cum (sicut accepimus) alias nempe anno 1708. dilectus filius noster Carolus Thomas S. R. E. Cardinalis Maillard de Tournon nuncupatus, tanquam noster, & Apostolicae Sedis Commissarius, & Visitator Generalis in Sinarum, & aliis Indiarum Occidentalium Regnis cum potestate etiam nostri, & ejusdem Sedis de Latere Legati a Nobis deputatus, ut varios abusus, quos in Apostolica auctoritatis contemptum in illarum partium Missionibus irrepisse cognoverat, emendaret, per suum Edictum, seu Decretum in Civitate Machaonen. editum, districte prohibuerit, ne ullus Missionarius, sive saecularis, sive Regularis cujuscumque Ordinis, absque ipsius Caroli Thomae Cardinalis Commissarii, & Visitatoris Generalis licentia Missiones Sinicas ingredi, vel ea non obtenta Missionarii munus in illis obire, aut etiam ea minime quaesita, sive non obtenta ab illis discedere auderet, sub poena suspensionis a Divinis per contrafacientes eo ipso incurrenda, simulque sub eadem poena interdixerit, ne ullus sive saecularis, sive Regularis absque ejusdem Caroli Thomae Cardinalis Commissarii, & Visitatoris Generalis consensu, superioratus cujuscumque officium, in alios sui gremii, vel Ordinis Missionarios in Sinis assumere, seu exercere praesumeret, & alias, prout uberius continetur in eodem Edicto, seu Decreto tenoris sequentis, videlicet:

*S. 1. Carolus Thomas Maillard de Tournon Dei, & Sanctae Apostolicae Sedis gratia Patriarcha Antiochenus Sanctissimi Domini Nostri, Domini Clementis Divina Providentia Papae XI, Praelatus domesticus, ejusque Pontificio Solio Assistens, necnon S. Romanae Universalis Inquisitionis contra haereticam pravitatem Consultor, ac in Indiis Occidentalibus, & Sinarum Imperio finitimisque Regnis, & Insulis Commissarius, & Visitator Apostolicus Generalis cum facultate Legati de Latere &c. omnibus, & singulis Missionariis tam saecularibus, quam cujuscumque Ordinis Regularibus, & eorum Superioribus in hac Sineni Missionem, salutem in Domino &c. Quasi Castrorum Acies ordinata Nobis exhibetur Ecclesia ab eo, qui rerum omnium est ordo perfectus, & immutabilis absque vicissitudinis obumbratione, ut quemadmodum Milites hujus saeculi sub Tribunis, Praefectis, & Ducibus bella gerunt, ita, & Praepositis suis discant parere, qui sub Jesu Christi vexillo militare profitentur. Et quidem cum Christi membra simus, debemus juxta Apostolicam traditionem Capiti Ordine Hierarchico adherere secundum operationem in mensuram cujuscumque membri, atque in Praelatis Christi vocem audire, & Imaginem venerari, docentibus Nos sacris paginis obedire Praepositis, etiam dyscolis, & Deo potius obedientiam offerre, quam victimam. Quod si ordo ubique apprimè convenit, hic est maxime necessarius, ubi sanctitatem Christianae Religionis in recta illius Ministrorum disciplina decet praefulgere, ex quorum officio, & exemplo sanctitatis gloria flare videtur, & bonus odor notitia Dei manifestatur. Quis enim honor Evangelii, si lapides sanctuarii in capite omnium Platearum sint dispersi? Disperguntur namque cum Sacerdotes, & perfectionis Institutionis viros in Ecclesiae aedificationem compositos a solido Divini aedificii fundamento per inobedientiam dissolutos, & Petrae, a qua excisi sunt, immemores conspicimus, cum abjectis regiminis juribus in Praepositos suos palam insiliunt, qui eorum deberent apparere ornamentum, & cum insalutato Pastore Dominici Gregis curam inor-*

dinate usurpare praesumunt, non attendentes cui dictum sit a Domino - Paece oves meas - neque miseram reformidantes conditionem non intrantium ad ovile per ostium. Cum itaque scandala ista sub oculis nostris, & in positivum Apostolicam, qua fungimur, auctoritatis contemptum in has Missiones nuper irreperint, & quod dolendum magis est per quosdam Religiosos strictiori voti vinculo S. Sedi obedientiae obstrictos, lugere cogimur cum Propheta aurum obscuratum, & mutatum colorem optimum, qui sane juxta D. Gregorium commutatur, cum eorum, qui degere religiose credebantur aemulatio ante acta minuitur: ne autem omnino inanis sit lucus noster, pro viribus commisisse Nobis, licet immeritis, a Sanctissimo Domino Nostro Domino Clemente PP. XI., & a Sancta Sede potestatis, abusus hujusmodi obviam ire volentes, decernimus, & statuimus, ut quicumque Missionarius, aut Presbyter, sive saecularis, sive Regularis cujuscumque Ordinis, etiam Societatis Jesu, desiderio propagandae fidei ad has Sinenes oras appulsus, vel appulsurus, Missiones ingredi non requisita prius nostra licentia (quae in scriptis dabitur) vel ea non obtenta Missionarii munus obire, vel ea etiam irrequisita, aut non obtenta hinc recedere praesumpserit, sit ipso facto suspensus a Divinis. Non obstantibus quibuscumque indultis, & privilegiis Apostolicis, etiam Societatis Jesu, quae ad hunc effectum, quatenus opus sit, ex speciali, quae Nobis est data a S. Sede facultate, suspendimus, & suspensa declaramus. Cum illis vero, qui inordinato hoc modo ingredi in Missiones ausi sunt, benigne indulgentes quadrimestre a publicatione praesentium concedimus ad moram purgandam; quo tempore elapso, nisi facti poenitentes veniam cum licentia a Nobis humiliter impetraverint, sint etiam ipso facto a Divinis suspensi. Et quoniam in his non videntur innocui eorum Superiores, qui Regimini habenas Nobis nequidem monitis clam suscipientes perniciosa exemplo, & interdum etiam consilio subditos suos in foveam inobedientiae ducunt, contra quos Dominus per Prophetam queri videtur, dicens: Oves meae, quae conculcata pedibus vestris fuerant, pascebantur: conculcata siquidem Pastorum pedibus oves pascentur, cum subiecti ea, quae aspiciunt, opera pravitatis imitantur. Iis igitur, aliisque de causis praecipimus, & in virtute sanctae obedientiae mandamus, ut nullus sive saecularis, sive Regularis, etiam Societatis Jesu, Nobis inconsultis, & non obtento prius nostro consensu, superioratus cujuscumque officium in alios sui gremii, vel Ordinis Missionarios in Sinis assumere, seu exercere praesumat. Quod si aliquis Visitatoris, Vice-Visitatoris, Provincialis, Vice-Provincialis, Commissarii, aut Vicarii Provincialis titulo forsan nominandus, sive Superior quicumque contrafaciat, praeter suspensionem a Divinis ipso facto incurrendam, Nobis, & S. Sedi reservatam, ex nunc pro tunc irritamus, & annullamus quaecumque acta, & praecipua, ab eo facta, & facienda, atque illa irrita, & nulla declaramus, subditosque ab illius obedientia in utroque foro absolvimus, & liberamus. Et ita ex commissa Nobis Apostolica auctoritate, etiam Legati de Latere decernimus, statuimus, & ab omnibus servari mandamus. Aequum enim est, ut qui Dominicæ Vineae operariis praestit, & vices gerit, universalis in Terris Patris familias, illos agnoscat, & sub quibusvis Praepositis Evangelicæ culturae dent operam non ignoret. Datum Machai ex Palatio nostrae solite habitationis die 3. Julii anno Domini 1708. Pontificatus autem Sanctissimi Domini Nostri D. Clementis, Divina Providentia Papae XI. anno octavo. C. Thomas Patriarcha Antiochenus, & Visitator Apostoli-

Mala hac in parte suborta Apostolica auctoritatis Commissarii contemptum pariunt.

Statutum de non peragendis Missionibus, vel ab eis discedendo sine licentia sub poena suspensionis a Divinis.

Statutum alterum de non accipiendis Praefecturis sine Commissarii consensu sub poena suspensionis a Divinis.

cus -- Sabinus Marianus Auditor. Loco † Sigilli. Andreas Candela S. Vistationis Apostolicæ Cancellarius.

§. 2. Nos Edictum, seu Decretum hujusmodi rectæ, ac felici dictarum Missionum directioni in præsentibus potissimum rerum circumstantiis summo opere conducibile esse considerantes, ac proinde inviolabili illius firmitati, robori, & efficaciam, debitæque executioni, ex commissi Nobis cælitus Pastoralis officii debito providere cupientes, de Venerabilium Fratrum nostrorum S. R. E. Cardinalium tam in universa Republica Christiana contra hæreticam pravitatem generalium Inquisitorum, a Sede prædicta specialiter deputatorum, quam aliorum ex Congregatione Propagandæ fidei negotiis præposita super rebus Indiarum Orientalium specialiter itidem deputatorum, quos insimul coram Nobis super rebus hujusmodi congregatos pluries audivimus, consilio, ac etiam Motu proprio, & ex certa scientia, ac matura deliberatione nostris, deque Apostolicæ potestatis plenitudine, Edictum, seu Decretum præinfertum cum omnibus, & singulis in eo contentis, & expressis tenore præsentium approbamus, & confirmamus, illique inviolabilis, & irrefragabilis Apostolicæ firmitatis vim, robor, & præsidium adjungimus, ac omnes, & singulos juris, & facti defectus, si qui desuper quomodolibet intervenerint supplemus. Præterea motu, scientia, deliberatione, & potestatis plenitudine similibus omnia, & singula, quæ in Edicto, seu Decreto prædicto super licentia dicti Caroli Thomæ Cardinalis Commissarii, & Vistatoris Generalis ab iis, qui Missiones Sinicas supradictas ingredi, sive in eis Missionarii munus exercere volunt, requirenda, & obtinenda, sicut præmittitur statuta, & sancita fuerunt, earumdem tenore præsentium ita extendimus, ac respective declaramus, ut non modo quo ad ipsum Carolum Thomam Cardinalem Commissarium, & Vistatorem Generalem quoque in illis partibus permanserit, sed etiam quoad alios, qui ei in munere Commissarii, & Vistatoris Generalis hujusmodi pro tempore succedent locum, & effectum, ad nostrum, & Sedis Apostolicæ beneplacitum habere debeant, dicta vero licentia, sive a prædicto Carolo Thoma Cardinale, aliove Commissario, & Vistatore Generali earumdem partium, sive a personis per eos opportune subdelegandis, ut præfertur danda, non alias concedenda sit, nisi præfinito prius per eos, quibus concedetur, juramento, de exacte observando Decreto super Ritibus, seu Cæremoniis Sinicis die 25. Septembris anni proxime elapsi a Nobis promulgato, quovis contrahendi, etiam præteritis, & a Nobis improbatæ conditionalitatis Decreti hujusmodi, aliove quæsto colore, seu prætextu penitus rejecto, atque sublato.

§. 3. Decernentes easdem præsentibus literas, & in eis contenta quæcumque, etiam ex eo, quod quilibet, etiam cujusvis status, gradus, ordinis, præminentia, & Dignitatis, seu alia speciali, & individua mentione, & expressione digni in præmissis interesse habentes, seu habere quomodolibet prætendentes, illis non consentirent, nec ad ea vocati, citati, & auditi, neque causa propter quas præsentibus emanarint, sufficienter adductæ, verificatæ, & justificatæ fuerint, aut ex alia qualibet quantumvis justa, juridica, legitima, pia, & privilegiata causa, colore, prætextu, & capite, etiam in corpore Juris clauso, etiam enormis, enormissima, & totalis læsionis nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumvis magno, & formali, ac substantiali, & incogitato, inexcogitabilique defectu notari, impugnari, in-

fringi, retractari, limitari, modificari, in controversiam vocari, aut ad terminos Juris reduci, seu adversus illas aperiitionis oris, restitutionis in integrum, aliudve quodcumque juris, gratiæ, vel facti remedium intentari, vel impetrari, seu impetrato, aut etiam Motu, scientia, & potestatis plenitudine similibus concessio, vel emanato quempiam in judicio, vel extra illud uti, seu se juvare ullo modo posse, sed ipsas præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore quodcumque spectabit in omnibus, & per omnia inviolabiliter, & inconcussè observari: Sicque, in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. prædictæ Cardinales, etiam de latere Legatos, & dictæ Sedis Nuncios, sublata eis, & eorum cuilibet quavis aliter judicandi, & interpretandi facultate, & auctoritate judicari, & desiniri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quatenus opus sit, quarumvis Ecclesiarum, Ordinum, Congregationum, Societatum, etiam Jesu, Institutum, Provincialium, Conventuum, Collegiorum, Monasteriorum, & locorum piorum quorumcumque, aliisque quibusvis, etiam juramento, confirmatione Apostolica, vel quavis firmitate alia roboratis Statutis, & Consuetudinibus; privilegiis quoque, indultis, & literis Apostolicis, Ecclesiis, Ordinibus, Congregationibus, Societatibus, etiam Jesu, Institutis, Provinciis, Conventibus, Collegiis, Monasteriis, & locis piis quibuscumque verborum tenoribus, & formis, ac cum quibusvis, etiam derogatoriis derogatoriis, irritantibusque & aliis Decretis, etiam motu, scientia, & potestatis plenitudine paribus, ac consistorialiter, seu ad quarumcumque personarum, etiam Regum, & Principum, seu alias quacumque mundana, vel Ecclesiastica potestate fulgentium instantiam, & alias quomodolibet in genere, vel in specie in contrarium præmissorum concessis, ac quantumcumque vicibus confirmatis, innovatis, & approbatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per Clausulas generales idem importantes mentio habenda, aut aliqua exquisita forma ad hoc servanda foret, tenores hujusmodi, præsentibus pro plene, & sufficienter expressis, & insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 5. Volumus autem, ut earumdem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides ubique adhibeatur, quæ adhibetur ipsis præsentibus, si forent exhibitæ, vel ostensæ.

Datum Romæ apud S. Petrum sub annulo Piscatoris die XV. Martii MDCCXI. Pontificatus nostri Anno Undecimo.

Confirmatio  
relati Decreti.

Extensio  
prædicti Decreti  
ad tempora  
sequentium  
Commissariorum,  
cum mandato  
Missionariis  
præstanti  
juramentum  
de servando  
Decreto 1710.  
25. Sept. edito  
super Ritibus  
Sinicis.

Clausulæ.